

جريدة محاکمه

جمعه ایرتسی

نومرو	ربیع الاول	سنه	ایلول	سنه	صفیحه
۷۳۶	۱۳	۱۳۱۱	۱۱	۱۳۰۹	۱۰۸۹۳

(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولوق اوزره یوز یاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دأرهنده کائن جریده محاکم اداره سنه مراجعت ایلملیدر)

قسمت رسمی

توجیهات

وان ولایتی استیناف محکمه سی جزا دأرهمی
 ریاستی بتلیس ولایتی استیناف محکمه سی جزا دأرهمی
 رئیس سابق خلیل خلوصی افندی به

بتلیس ولایتی استیناف محکمه سی جزا
 دأرهمی ریاستی وان ولایتی استیناف محکمه سی

جزا دأرهمی رئیس سابق عزتلو وصفی
 افندی به

در سعادت استیناف محکمه سی مدعی عمومی
 معاونلکی علاوة مأموریت اولوق و کماکان
 باش کتابت وظیفه سی ایضا ایتک اوزره ذکر
 اولنان مدعی عمومیلک قلمی باش کاتبی رأفت بکه
 تقویض بیورلمش ومومی الیهمدن رأفت بکه
 مغایر عدالت حرکاتده بولنیمه جفته وذات
 شوکتسمات حضرت خلافتیناهی به ودولت
 علیه لرینه صادقانه ایفای خدمت ایده جکنه دأر
 تحلیفی اجرا اولنوب محالرنده بولنان خلیل خلوصی

ووصفی افندیلرک دخی اصول مقررہ اجرای
تحلیفاری ایچون وان وبتلیس ولایتارینه
تبلیغات لازمه اجرا اولمشدر .

(رتبه)

درسعادت بدایت محکمه سی اعضاسندن عزتلو
حامد بکه وظائف مأموریتی حسن ایفاده
مشاهد اولان اقدام غیرتنه مبنی ثانیه
صنف ثانسی

عدلیه نظارت جلیله سی امور جزائیہ مدیریتی
قلمی خلفاسندن عزتلو یوسف شتوان بکه ثانیه
صنف ثانسی رتبه لری توجیه بیوزلمشدر .

(فی ۳ ربیع الاول سنه ۳۱۱ و فی ۲ ایلول)
(سنه ۳۰۹ تاریخنده بالجله ولایات استیناف)
(محکمه سی مدعی عمومیلرینه و مدعی عمومی)

(بولنمیان محللر مدعی عمومی معاونلرینه)
(یازیلان تحریرات عمومیه صورتیدر)

مقاولات محررلرینک صورت تعیین
وانتخابلرینه دائر اولان نظامنامه نك اون برنجی
ماده سنده لوا مدعی عمومی معاونلرینک مأمور
اولدقلری محکمه نك مقاولات محرری معاملات
اوج آیده واکا مربوط قضائر مقاولات محرری
معاملاتی الی آیده برکره معاینه و تفتیش ایتملری
محرر ایسده اخیراً محاکم احوال عمومیه سنک
و بوجله دن معدودیتی درکار اولان مقاولات
امورینک دخی تفتیش وظیفه سی با اراده سنیه
حضرت پادشاهی ولایات محاکم استینافیه سی
مدعی عمومیلرینه تودیع واحاله بیورلمش اولسنه
وشو اصول مذکور نظامنامه نك نشرندن مؤخر
اولدینی حالده ینه بعضی طرفلرجه بوصورته مباین
حرکت ایدلمکده بولنمسنه بناء مقدما دخی
تعمیماً اشعار اولدینی وجهله مدعی عمومی
معاونلرینک هیچ بر سبب و بهانه ایله محل
مأموریتلرندن ایرلاملری و شاید بر لزوم قوی
و مجبر ظهور ایدر ایسه اولحاله نظارتدن
بعدالاستیذان التهجق مأذونیت اوزرینه

اعزام قلملری لزومی تکرار تبلیغ و اخطار
اولنور .

قسم غیر رسمی

برزرین سنجانی بدایت محکمه سی جزا
دائرة سندن و یریلوب مع متفرعات باش مدعی
عمومیلک مأموریت علیه سندن ۱ تموز سنه ۳۰۹
تاریخ و سکر یوز سکسان نومرولی تبلیغنامه ایله
محکمه تمیز جزا دائرة سنه کوندریلان ۲۸ شباط
سنه ۳۰۸ تاریخ و اوچبوز ایکی نومرولی اعلام
مطالعه اولندی .

اعلام مذکورک مالی برزربنده کان الیاس
قوقه محله سنده ساکن یاقوه لی شا کر اغا زاده
بکر اغانک اوزرینه قتل قصدیه سلاح انداخت
ایتمک و احمد بن رمضان جرح ایلمک فعلندن
طولانی جنایتله اتهام اولان کاتب سنان محله سی
اهالیسندن اونیدی یا شنده احمد بشمش بن سانیانک
بعدالنقض اجرا قلنان محاکمه علیه سنده کرک
جرح و کرک تشهیر سلاحه قتل قصدیه جرأتی
ثابت اولدیفندن مجرمیتنه و قانون جزانک یوز
سکسانجی ماده سنه توفیقاً و اوچبوز طقوز سنه سی
رجینک بشنجی کونه مصادف اوچبوز یدی
سنه سی کانون نانیسنک یکرمی اوچنجی کوندندن

تکه سنجانی بدایت محکمه سی اعضای
سابقه سندن مصطفی شفیق افندیلرک مواد معینه ده
احکام قانونیه به مقایر معاملاتله وظیفه مأموریتی
سوء استعماله جرأت ایلدیکی قونیه مدعی
عمومیلکندن عدلیه نظارت جلیله سنه ارسال
اولنان اوراق تحقیقیه دن اکلاشلمسندن طولای
مومی الیهک تحت محاکمه به التمنی ضمنتده نظارت
مشار الیهادن مذکور مدعی عمومیلکه مأذونیت
اعطا قلمشدر .

اعتباراً سابقه سی و قتل قصدیه تشهیر سلاح اتمسی اسباب مشدده دن عد اولنه رق بلا تشهیر اون سنه مدته کورکه قونلمسسه حکم اولندیقنی حاوی اولوب تبلیغنامه ده دخی اعتراضه محل کوریه مدیکی بیان اولمشدر .

فی ۱۸ محرم سنه ۳۱۱

وفی ۱۹ تموز سنه ۳۰۹

سائر اوراق دعوی دخی قرائتله تدقیقات تمیزیه اجرا اولندقدده خصوص مذکورک جریان ایدن تحقیقات و محاکمه سنک اصول محاکمات جزائیه قانونه موافق و مرقوم احمد پشمن حقدده لاحق اولان حکمک دخی قانون جزایه مطابق اولدینی اکلاشدیقندن حکم مذکورک تصدیقنه فقط بیانه حاجت اولدینی اوزره شهور شمسیه ایله قریه بیننده سنه ده اون کون قدر فرق بولمق ملاپسه سیله علی العموم محکومینک سنه ده او قدر مدت زیاده محبوس قالمملری مقصدینه مبنی تاریخ توقیفک شهر عربیدن اعتباری اساساً قاعده اتخاذ قلمش اولسنه نظراً بونده بر سهو و خطا وقوع بولماق ایچون تاریخ توقیفک شهر رومیه نک زهار قال و قلمه النامسی لازم کلور ایکن بالعکس مرقومک تاریخ توقیفک شهر عربیه مصادف شهر رومیدن اعتبار ایدلمسی پک یولسز بولندیقنک اخطاری و بعدازین تاریخ

مردیتا قضاسنه تابع فشتت قریه سی اها لیسندن یاقن برندی بی من غیر تعمد قتل ایتمسندن غیاباً محکوم اولان لش قضاسنه مربوط قوزل قریه سی متمکنلرندن هبل ولد کونک بو کره اله کچوریلرک و جاهاً اجرا قلنان محاکمه سی نتیجه سننده قانون جزانک یوز یمش دردنجی ماده سننه تطبیقاً اون بش سنه مدته کورکه قونلمسسه حکم اولندیقنی حاوی اشقودره ولایتی استیناف محکمه سی جزا دائره سنندن ویریلان ۱۲ شعبان سنه ۳۱۰ تاریخ و قرق الی نومرولی اعلام ایله اوراق دعوی باش مدعی عمومیک مأموریت علیه سنندن ۲۴ محرم

سنه ۳۱۱ تاریخ و بیکی ایکوز اون درت نومرولی تبلیغنامه ایله محکمه تمیز جزا دائره سننه اعطا قلندیقندن جمله سی قرائتله تدقیقات تمیزیه ابته دار اولندقدده تبلیغنامه ده اعلام مذکورک تصدیقی طلب اولنیور ایسسه ده مجرمیت قرارنده مخالف قلان اعضانک تحدید جزا قرارینه اکثریته تبعاً اشتراک اتمسی لازم کلور ایکن اندن دخی مخالف قالمسی مغایر اصول اولدیقندن اصول محاکمات جزائیه قانونک اوچوز اون دردنجی ماده سننه توفیقاً اعلام مذکورک اکثریتله نقضه و ایکوز غروش اعلام خرجنک بالتحصیل محکمه تمیزه ارسالی لزومه ۷ اغستوس سنه ۳۰۹ تاریخنده قرار ویرلدی .

فی ۱۸ صفر سنه ۳۱۱

وفی ۱۸ اغستوس سنه ۳۰۹

اعلام مذکورک خلاصه سی باقی اوغلی مصطفانک قلندن طولای اتهم اولنان خلیل اوغلی حسین و یانقین علی و ملاعبده اوغلی محمدک قتل قصدیه تشهیر سلاح ایدنلره دائر اولان قانون جزانک یوز سکساننجی ماده سی ذیلنه توفیقاً بشر سنه مدته کورکه قونلملرینه حکم اولندیقنی حاویدر .

تبلیغنامه ده دخی مدافعات واقعنک اسباب موجب بیانیه رد و یا قبولی مقتضیات قانونیه دن اولدینی حالدده بوجهت نظر اعتباره التامش اولمغه برابر هیئت محکمه دن ازاریان افندینک اسباب مخالفتی بیان ایتیرک مخالف قلان دیگر ذواتک رؤیته تابع ایدوکنی امضاسی بالاسنه شرح ایله اکتفا اتمسی دخی مغایر اصول و قانون بولمیش و بناءً علیه مدعی عمومی معاوننک جهت تطبیقیه حقدده اولان اعتراضاتک تدقیقنه محل کوریه مامش

قره سی سنجانی بدایت محکمه سی جزا دائره سنندن ویریلوب مع متفرعات باش مدعی

اولدیندن بختله اعلام مذکورک تقضی طلب اولمشدر .

سائر اوراق دعوی دخی قرائتله تدقیقات تمیزیه اجرا اولندقدہ تبلیغنامہ ده بیان اولندی اوزره وکیلک مدافعتنه جواب ویرلیدی کجی قتلک فعله چیقمش اولمسنه نظراً تطبیقه دخی اصابت کوریه مدیکندن اصول محاکات جزائیہ قانوننک اوچیوز اون دردنجی ماده سنه تطبیقاً اعلام مذکورک تقضه و اعلام خرجی اولان ایکوز غروشک بالتحصیل محکمه تمیزیه لزوم اوسالنه ۵ اغستوس سنه ۳۰۹ تاریخده قرار ویرلیدی .

فی ۱۱ صفر سنه ۳۱۱
وفی ۱۱ اغستوس سنه ۳۰۹

اولونیه مربوط ترکاس قریه لی علی بردونک

قتلندن طولای جنایتله متهم بولسان قریه مذکورلی ابراهیم چاوشک قانون جزانک یوز یتش دردنجی ماده سنه تطبیقاً اون بش سنه مدته کورکه قونلمسنه دائر برات بدایت محکمه سی جزا دائره سندن ویریلان ۱۲ مایس سنه ۳۰۹ تاریخلی ویتش التی نوصولی اعلام ایله متفرعانی باش مدعی عمومیلک مأموریت علیه سندن ۲۹ محرم سنه ۳۱۱ و ۳۱ تموز سنه ۳۰۹ تاریخ و بیک ایکوز الی بش نوصولی تبلیغنامہ ایله محکمه تمیز جزا دائره سنه ویرلیدیکندن لدی التدقیق تبلیغنامہ ده کوسترلیدی وجهله متهم مرقومک کوریلان جنه سنه و سائر اسبابه مبنی درجه سنجه حاصل اولان تردد اولونیه محکمه سی ریاستندن بلاستعلام کلان تحریرات جوابیه ایله برطرف ایدلمش ایسه ده مذکور تحریرات جوابیه نظراً مرقومک بالکری قریه سیله اسمی کوسترلیرک استعمال اولنوب پدری اسمی ولقب وشهرتی تصریح اولنامش اولسیله وبرقریده عینی اسمده دیگرینک دخی وجودی ملحوظ بولمسیله بناءً علیه بوجهتک تدقیقاتی اساساً نقصان کورندیکندن مذکور نقصانک اکالی ضمتنده اصول محاکات جزائییه قانوننک اوچیوز اون دردنجی ماده سنه توفیقاً مذکور اعلامک تقضه

وایکوز غروش اعلام خرجنک اخذیه محکمه تمیزه ارسالی لزومنه ۱۱ اغستوس سنه ۳۰۹ تاریخده قرار ویرلیدی .

فی ۱۸ صفر سنه ۳۱۱
وفی ۱۸ اغستوس سنه ۳۰۹

پروت اهلایسندن الیاسک وقوعبولان قتلندن طولای غیاباً محکوم اولان فارس الحوزی اوغلی نابضک بوکره گرفت اولمسنه مبنی وجاهاً محاکمه سی بعدالاجرا قانون جزانک یوز یتش دردنجی ماده سنه تطبیقاً اون بش سنه مدته کورکه قونلمسنه حکم اولندیقی متضمن بیروت ولایتی استیناف محکمه سندن ویریلان ۲ مارت سنه ۳۰۹ تاریخلی اعلام ایله اوراق متفرع سی باش مدعی عمومیلک مأموریت علیه سندن ۷ اغستوس سنه ۳۰۹ تاریخ و بیک ایکوز قرق

سکر نوصولی تبلیغنامہ ایله محکمه تمیز جزا دائره سنه ارسال قلمغله جله سی قرائتله تدقیقات تمیزیه اجرا اولندی .

مذکور تبلیغنامہ ده دخی کوسترلیدی اوزره متهمک جرمی کتم ایچون کندینی ایکی یرندن جرح ایتش اولدینک معاینه راپورتنده مندرج ایدوکی مجرمیت قرارنده دلیل اوله رق کوستریلور ایسه ده متهمک یاره لرینک ارقه سنده واموزنده اولمسنه نظراً بونی کندوسنک ایشاعی نه دن کلاشلمش اولدینک مذکور راپورتی اعطا ایدن طیبیدن سؤال ایله کنه ماده نک تدقیق وحلی لازم ایکن نقصان براغلمسنه مبنی لایحه تمیزیه نک بوجهتی تضمن ایدن مندرجاتی بجا کورندیکندن و برده متهم مرقوم عندالحاکمه اون سکر یاشنده اولدینی سویلمش وجرم ایسه ایکی اوج سنه اول واقع اولمش اولسیله مرقومک اولوقت اون بش یاشنی تکمیل ایتدیکی حالده حقنده مراقب معامله قانونیه سنک اجراسی جهتندن دخی ذهول اولمش ایدوکندن اصول محاکات جزائییه قانوننک اوج یوز اون دردنجی ماده سنه توفیقاً اعلام مذکورک تقضه وایکوز غروش اعلام خرجنک بالاستیفا

محكمة تميزه ارسالی لزومه ۱۰ اغستوس سنه ۳۰۹
تاریخنده قرار ویرلدی .

فی ۲۱ صفر سنه ۳۱۱
وفی ۲۱ اغستوس سنه ۳۰۹

دیمتوقه تجارت محکمه سندن ۳۰ تموز
سنه ۳۰۲ تاریخی واون عددی ایله ویریلان
اعلامک تیزی نی استعدا ایدن دیمتوقه ده چرجه
محل سنده مقیم مجلس اداره اعضا سندن طوبیجی
زاده علی رضا بك ایله میزعلیه دیمتوقه ده قیوچی
محل سنده ساکن دعوی وکیلارندن سرکرده یان
افندی یوم معینه دائره به کلدکاری کی جواب
لایحه سی دخی ویرلدی کندن باش مدعی عمومیک
مأموریت علیه سنک مطالعه نامه سی اخذ اولنه رق
اصول محاکمه حقوقیه قانوننک ایکوز یکریمی
طقوزنجی ماده سی موجبجه تدقیقات تیزی به
اجرا سنه ابتدار قلندی .

اعلام مذکورک خلاصه مالی مومی الیه

سرکر افندی نیک امره محرر برقطعه سند موجبجه
مومی الیه علی بك ذمتنده الاجنی اولان اون
سکر ایرانک تحصیل حقنده واقع اولان دعوا سنک
یوم محاکمه سی چون اولنان دعوته میر مومی الیهک
عدم اجابتیه مبنی اصول محاکمه تجارت قانوننک
التمش یدنجی و التمش سکرنجی ماده لری موجبجه
غیاباً جریان ایدن محاکمه و تدقیقات نتیجه سنده
مبلغ مدعا به مومی الیه علی بك دینی اولدینی
محل نیک بیک التیوز طقوزنجی ماده سنده محرر
اولدینی اوزره سالف الذکر سند مندرجاتیه
ثابت اولدینی بیانیله مبلغ مذکورک مع فاض
میر مومی الیه دن تحصیل غیاباً حکمدن و مستدعی
تمیز علی رضا بك اشبو حکم علیه نه لایحه سنده
محرر اعتراضنک باشلوجه سی طرفینک صفت
تجاردن اولدینی کی ذات دعوانک دخی امور
تجاریه دن منبعث اولماسنه کوره رؤیتی حقوق
محکمه سنه عائد ایکن محکمه تجارجه خارج ازوظیفه
رؤیت ایدلدیکی کی محکمه مذکوره هیئت علیه نه
اقامه ایدلدیکی اششکا دعوا سنک استینافاً قبولی
قرار گیر اولمش ایکن دعوا ی مذکوره نیک رؤیت
اولنسی قانونه مغایر اولدیغندن بخله اعلام
مذکورک نقضی استدعا سندن و سالف الذکر
مطالعه نامه مالی دخی مستند ادعا اولان سندک امره

محرر اولسی جهتیله ذیل قانون تجارتک یکریمی
سکرنجی ماده سی موجبجه دعوانک تجارت
محکمه سنجه رؤیتی قانونه موافق اولدینی بیانندن
عبارتدر .

اول امرده مستدعی تمیز علی رضا بك
وظیفه حقنده کی اعتراضک تدقیقه لدی الابتدار
مارالذکر مطالعه نامه ده دخی بسط و بیان ایدلدیکی
اوزره اعتراض مذکور غیر وارد کورینه رک رد
ایدل کدن صکره اساس ماده نیک ایجابی مذاکره
اولدقدده اعلام مذکور مندرجاتندن منضم
اولدینی اوزره بدایه مدعی علیه اولان علی رضا
بکک دعوته اجابت ایتماش اولسنه کوره اصول
محاکمه حقوقیه قانوننک یوز قرق بشنجی ماده سی
موجبجه میر مومی الیهک محافظه حقوقی ضمتنده
وکیل مسخر تعیینیه انک مواجهه سنده محل نیک
بیک سکر یوز اوتوز دردنجی ماده سنده کوسترلدیکی
وجهله مدعینک دعوی وینه سنک استماعیه
نتیجه حاصلیه توفیقاً حکم ویرلسی لازم کلورایکن
سالف الی بیان یوز قرق بشنجی ماده قانونیه به مخالف
اولسی جهتیله حکمی مفسوخ اولان اصول محاکمه
تجارت نظامنامه سنک مواد مذکوره سنه تطبیقاً
وکیل مسخر تعیین اولنیه رق حکم ویرلسی قانونه

مغایر اولدیغنه بناء قانون مزبورک ایکوز قرق
برنجی ماده سی موجبجه اعلام مذکورک نقضیه
ایکیوز قرق دردنجی ماده سی حکمنه توفیقاً کیفینک
یکیدن بالرؤیه اعلامه ربطی ضمتنده محکمه
مذکوره به اعاده سنه وزیرده مفرداتی مرقم درت
یوز اوچ یحق غروش مصارف تمیزی نه نک ایلروده
حقسنر چقه حق طرفه رجوع ایتمک اوزره اول
امرده مستدعی تمیز رضا بکدن التمسنه ۲۷
تشرین اول سنه ۳۰۸ تاریخنده منقفاً قرار
ویرلدی .

آیدین ولایتی مرکز بدایت محکمه سندن
۱۴ ایلول سنه ۳۰۸ تاریخی و یوز یکریمی عددی
ایله ویریلان اعلامک تیزی نی استدعا ایدن از میره
مضاف بیرون آباد ناحیه سنک اسکی مناره لی
محل سنده مقیم البرولوی وریقه وکیلی علی رضا
افندی یوم معینه دائره به کلوب میز علیه شورای
دولت قلمی سر خلیفه سی سعادتلو مصطفی کامل
بک افندی حضر تبری گلدیکندن وکیل مومی الیهک

ایضاحات شفاهی سی استماع قلندقدن صکره تدقیقات
تمیزیه اجراسته ابتدار قلندی .

اعلام مذکورک خلاصه مالی بورنوه
تاجیه سنده و مواقع معلومه کائن مرقومون
البرولوی و ریه ایله ژوزف نام کسسه نک تحت
تصرفلرنده اولدینی اقراریه تبیین ایدن معلوم
الحدود و المقدار اراضیدن سمسارخایم نام کسسه نک
منع مداخله سی حکمنی متضمن محکمه مذکورهدن
صادر اولان اعلام علیهنده مشارالیه مصطفی کامل
بک طرفندن اعتراض الغیر دعوا سی اقامه اولمسی
ولا جل المحاکمه اولسان دعوته مرقوموندن البر
وریه اجابت ایدوب ژوزف طرفندن اجابت
قلنامسی اوزرینه غایبده وکیل مسخر تعیینیه
جریان ایدن محاکمه و تدقیقات نتیجه سنده اراضی
مذکورهدن قوجه باش نام دیگر حسین بک
چایرینک اوست باشی حذا سندن بدأ ایله منمن
یولی و دریا و کندی اراضیلرله محدود محاکم
مشارالیه مصطفی کامل بک ایله برادر و همشیره
سنگ پدرلرندن انتقالاً عهده تصرف و تملک لرنده
اولدینی اولیابده کی طابو سندی و محل منازع فیهک
اجرا قلنان کشفی ائنده استماع اولسان شهودک
شهادت لریله ثابت و اعلام سابقده حکایه اولسان

مرقوم خایمک اقراری حجت قاصره اولوب
معارض مشارالیه شامل اوله میه جتی کبی معترض
علیهک محل مذکور حقدن استناد ابتدکاری
طابو سند اتک دخی اراضی منازع فیهایه تعلق
کوریله مدیکنه بناء اراضی مذکورهدن معترض
علیهک منع مداخله سیله اعلام سابقک بوجهت
حقدن کی فقره حکمی سندن فسخنه حکمدن
و مستدعی تمیز و کیلک اشبو اعلام علیهنده
باشلوجه اعتراضاتی دعوا ی واقعه حقدن ترجیح
بینات قاعده سنده توفیقاً شهود استماع قلنامسی مغایر
قانون اولدیفندن بخله اعلامک قضی استدعاسندن
و مدعی علیهک لایحه سنده محرر نتیجه جوابی دخی
اراضی مذکورهدن کندوسیله برادر و همشیره
لرینک عهده تصرفلرنده اولدینی اصولاً ثابت
اولغله اعتراض مذکورک ردیه اعلامک تصدیقی
طلبندن عبارت بولمشد .

ایجابی مذاکره اولندقدن مندرجات اعلامدن
مستفاد اولدینی اوزره دعوا ی واقعه منازع فیه
اولان اراضینک تصرفه مدائر اولسسه کوره
اشای محاکمه ده اراضی مأورینک حاضر بولند .
یرلمسی لازم کلور ایکن محکمه مرقومه جه سبق
ایدن محاکمه ده مأمور مومی الیهک حاضر

اطنه استیناف محکمه سندن ۱۸ شباط
سنه ۳۰۶ تاریخی ویکرمی ایکی عددی ایله ویریلان
اعلامک تمیزینی مالیه خزینة جلیله سنده اضافتله
اطنه ولایتی دعاوی و کیلی میخائیل افندی
طرفندن استدعا قلنمش و دعوت واقعه اوزرینه
یوم معینه خزینة مشارالیها جاتندن رشید افندی
وکالة دائره کلش ایسه ده تمیز علیه اطنده مقیم
باتقو ارتامی ورود ایتدیکی کبی جواب لایحه سی
دخی کوندرمدیکندن یالکر وکیل مومی الیهک
ایضاحات شفاهی سیله باش مدعی عمومی معاونلرندن
سمادتلو بورعاک افندینک مطالعه سی استماع
قلنهرق تدقیقات تمیزیه اجراسته ابتدار
اولندی .

اعلام مذکورک خلاصه مالی مرقوم باتقو
ارتامینک کرد یوسف نام کسسه ذمتده الاجنی
اولان مبالغ معلومه نک تأمین استیفا سیچون
مرهون اولوب برقطعه محکمه تجارت اعلامی ایله
تحت حجزه الیدرینی معلوم المقدار شعیر و خطیه
حکومت محلیه طرفندن اولنان مداخله نک منعیه
ذخائر مذکورهدن موجود ایسه عیناً و مستهلک
ایسه بدلاً تحصیلنی طلب و دعوی ایتسی و مدعی
علیه خزینة وکیل دخی مزبور کرد یوسفک

بولندیرلماسی و اصول محاکمه حقوقیه قانونک
التمش اوچنجه ماده سنده کوسترلدیکی وجهله
بوکی اموال منقوله و غیر منقوله دعوالرنده محل
منازع فیهک کشفنه لزوم کورندیکی تقدیرده اهل
خبره نک جانب محکمه دن انتخاب و تعیینیه
اسمرینک اولیابده تنظیمی لازم کلان قرارنامه ده
بیان و تصریح اولمسی مقتضی اولدینی حالده
محکمه مذکورهدن بوراسنه دخی دقت اولمیهرق
اشای کشفده طرفندن انتخاب و تعیین اولسان
اهل خبره نک افاده لرینه مراجعتله فصل مدعی
اولمسی مغایر قانون کورندیکنه بناء اصول محاکمه
حقوقیه قانونک ایکوز قرق برنجی ماده سی
موجبجه اعلام مذکورک تقضیه قانون مزبورک
ایکوز قرق دردنجه ماده سی حکمنه توفیقاً کیفیتک
صور مشروحه دائره سنده یکیدن بالرؤیه اعلامه
ربطی ضمننده محکمه مذکورهدن اعاده سنده واشبو
اعلام خرجی اولان ایکوز غروشک اولجه
مستدعی تمیزدن ربع خرج اولهرق النان ایکوز
اللی غروشدن اجرای محسوبیه زیرده مفرداتی
مرقم ایکوز اون بش غروش مصارف سائر نک دخی
ایلروده حقسز چیه جق طرفه رجوع ایتک اوزره
اول امرده مستدعی مرقوموندن اخذینه ۱۳ تموز
سنه ۳۰۹ تاریخده متفقاً قرار و بریلرک تفهیم
قلندی .

خزینہ جلیله به اولان دیندن طولای ذخائر
مذکورہ به حکومتجه مداخله ایدلیدیکی

مابعدی وار

اعلان

طوبخانه عامریه منسوب استحکام الاینک
دردنجی محافظه طابورینک اوچنجی بلوکی ملازم
تانیسی حیتلو اشرف افندیکنینه طوبخانه عامره ابنیه
قومیسیننده مستخدم استحکام قول اغارندن
قوتلو عثمان نوری افندی ذمتنده $\frac{21}{100}$ نومروسیله
مقید اعلام موجبنجه محکوم به الاجفی اولان
معلوم المقدار مبالغتک تأمین استیفاسی ضمنتده
افندی مومی الیهک غلطده یکی جامع شریف
محلہ سنده خراجچی سواقغنده واقع قرق درت
وقرق التی نومرولی مغازه لایله طوبخانه جاده سنده
کائن یدی وطقوز واونبر نومرولی مغازه لرده

یوز یکریمی سهم اعتباریله متصرف اولدینی اوچ
سهمدن ایکی سهم حصه شایعه سنک حجزیله
فروختی بک اوغلی بدایت محکمه سی ریاست اولیسی
جانبندن تحت قراره التمش اولقله تاریخ اعلاندن
اعتباراً اون بش کون صکره بالمزایده فروخته
تشبت اولنه جنی بک اوغلی بدایت محکمه سی اجرا
مأموریتی جانبندن اعلان اولنور .

فی ۲۵ اغستوس سنه ۳۰۹

کراسته تبارندن امین وحمایچی حاجی امین
افندیلرک سلور یلی مرحوم حاجی محمد عزیز بک
زاده ابراهیم ادهم بک ذمتنده سلوری بدایت
محکمه سی اعلامیله محکوم به مطلوبلری اولان
مبالغتک تأمین استیفاسی ایچون حجز وفروختی
محکمه من بور ریاستدن توارد ایدن تحریرانده
محرر سلطان سلیم جوارنده قاضی چشمه سی قربنده
مفتی علی حامی دیمکله معروف وحرمین محترمین
کدکارندن مضبوط تخمیناً التیوز طقسان آرشون

عرصه اوزرینه مبنی ایکی خلوت واون یدی
قورنهی و بشیوز آرشونی متجاوز اودونلق ایله
مشمولات سائرہ فی حاوی وشهری یدی یوز
غروش ایجار کثورر نظامی بر باب حمام کدکنده
مدیون مومی الیهک پدری مرقومدن انتقالاً
متصرف اولدینی ثلث حصه سی لیرا یوز غروش
حسابیله اون درت بیک غروشدہ طابو عہده سنده
تقرر ایتمش ومدتک انقضاسی اوزرینه موقتاً
قرارداده سی کشیده قلنمش اولدینندن بوندن
زیاده به یعنی یوزده بش ضمیله طالب اولنلرک ودها
زیاده معلومات المقت استیانتلرک تاریخ اعلاندن
اعتباراً او یوز بر کون ظرفنده بی اقیچه لریله برابر
دائرة اجرایه مراجعت ایلملری و مدت
مذکورہ نک انقضاسی متعاقب قرار قطع سی کشیده
قلنم جفتندن اندن صکره ضم قبول اولنیمه جنی
در سعادت اعلامات نظامیه اجرا دائرہ سندن
اعلان اولنور .

فی ۲۸ اغستوس سنه ۳۰۹

ازینہ قضاسنه تابع احمدچه ایل قریه لی متوفی
حاجی ایوب اغا کریم لری امهانه وفاطمه وطوطو
خانلرک درعلیه لی انزلہ خانمہ با اعلام محکوم به
دینلری اولان مبالغ معلومہ نک صورت استیفاسی
ضمننده قضاء من بورک بیکارباشی قریه سی حدودنده
وقف نام محلده حاجی محمد اوغلی مصطفی و ابراهیم
ترالاری وطریق ایله محدود التی دومندہ برقطعه
ویسه قریه مذکور حدودنده چارداق الاکی نام
محلده بیکارباشی حاجی مصطفی اولادلری وحاجی
علی اوغلی محمد وطرفینی طریق ایله محدود اون
دومندہ برقطعه که اشبوایکی قطعه ترالی به بش سهمدن
اوچر سهم اعتباریله متصرف لری اولوب تاریخ
اعلاندن اعتباراً اون بش کون صکره مزایده به
وضع ایدیلہ جکندن طالب اولنلرک ازینہ بدایت
محکمه سی نزدندہ کی منادی به مراجعت ایلملری
اعلان اولنور .

فی ۲۹ اغستوس سنه ۳۰۹

— جنس اشيا —

دوگش خوراسان کوفه	۲۰۰
قطیق یا صدیق قیه جدید	۳۵۰
کرچ قطار	۲۳
قطق ماکنه سی	عدد ۱
قلاص یا پراخی	عدد ۱۷
کهنه فوجی	عدد ۳
صغیر کاوسله طاشی	عدد ۱
اسکمله	عدد ۲
سمر دایر	عدد ۱

احمد قودانک کرچی اصنافدن داوداغا
ذمتده مصارف محاکمه دن طولای الاجنی بولنان
مبالغ معلومه نک تأمین استیفاسی ضمانتده مدیون
مرقومک مالی اولوب تحت حجزه النهرق
فروختی قرارلشدیریلان کوچک مصطفی پاشاده
سفر یقوز محله سنده بلا نومرو قهوه خانه ده موجود
اموالک اشبو ابلولک برنجی چهارشنبه وایکنجی
پنجشنبه واونجی جمعه کونلری مزایده سی اجرا
اولنه جفتدن اشترایه طالب اولنلرک ایام مذکوره ده
ساعت ایکده محل مذکوره حاضر بولنلری

درسعادت اعلامات نظامیه اجرا دائره سندن

اعلان اولنور .

فی ۳۰ اغستوس سنه ۳۰۹

الیساویت قادیانک درسعادت برنجی حقوق
دائره سندن صادر اولان اعلام موجبیه عن اصل
استانله اولوب موقتاً اتنده مقیم تبعه دولت
علیه دن معلم غوریل سقوفلی نام دیگر پاپاس اوغلی
غوریل ذمتده الاجنی بولنان مبالغ معلومه نک
تأمین استیفاسی ضمانتده مدیون مرقومک قیصریه نک
طاوولسون قریه سنده کائن معلوم الحدود بر باب
خانه نک حجز و فروختی طلب واستدعا اینلش
ومدیون مرقومک الیوم اقامتکاهی تعیین ایدیه مامش
اولدیغندن مدیونک طقسان برکون طرفنده دائره
اجرایه مراجعتله اثبات وجود ایتدیکی حالده
مذکورخانه نک بالمزایده فروخته تشبث اولنه جنی
درسعادت اعلامات نظامیه اجرا دائره سندن

اعلان اولنور .

فی ۳۱ اغستوس سنه ۳۰۹

انظرانیک فنجانجیانک مهران اغا جانسیان
ذمتده بااعلام الاجنی اولان مبالغک تأمین
استیفاسی ضمانتده محجوز بولنان اسکدارده یکی
محله ده بدروس قلفه سوقاغنده یدی نومروایله
مرقم برقیو تخمیناً اوچیوز اوتوز الی زراعی
حاوی برقطعه منزل مرصه سنک نصف حصه سنک
تاریخ اعلاندن اعتباراً اون بش کون صکره
بالمزایده فروخته مبادرت اولنه جنی اسکدار بدایت
محکمه سی اجرا دائره سندن اعلان اولنور .

فی ۳۱ اغستوس سنه ۳۰۹

دوقتور غزتلو حسین خلقی بکک درسعادت
برنجی حقوق دائره سندن استحصال ایلدیکی اعلام
موجبیه یازید قریبده امین سنان محله سنده
برقم قیوده یوز اوتوز نومرولی دکانده ساکن
ایکن غیبوت ایدن یوز اوغللری کامل و خلیل
اغالر ذمتارنده الاجنی بولنان معلوم المقدار مبالغک
تأمین استیفاسی ضمانتده مدیونان مومی الیهمانک
مالی اولوب مرهون و فروختی محکوم بولنان
قوم قیو خارچنده کورجی باشی سلیمان اغا محله سنده
کوچک دکر سوقاغنده الی نومرولی نصف
چاشویچی کدکنک نصف حصه سی بوندن اقدم
مزایده قونیلهرق لیرای عثمانی یوز غروش
حسابیه بیک سکر یوز الی غروشده طالبی
عهده سنده تقرر ایش و مدتنک انقضاسنه مبنی
موقتاً قراردادده سی کشیده قلنمش اولدیغندن
بوندن زیاده یعنی یوزده بش ضمیمه طالب
اولنلرک ودها زیاده معلومات المق استیانلرک تاریخ
اعلاندن اعتباراً اوتوز برکون طرفنده دائره
اجرایه مراجعتله پی سورملری لازم کله جکی
ومدت مذکورده نک انقضاسنی متعاقب قرار
قطعیسی کشیده قلنجه جفتدن اندن صکره ضم قبول
اولنیه جنی درسعادت اعلامات نظامیه اجرا

دائرة سندن اعلان اولنور .

في ۳۱ اغستوس سنه ۳۰۹

قصاب داود اغانك بکقوز بدايت محکمه سندن
استحصال ايتمش اولديني $\frac{۳۰۸}{۹}$ نومرولى اعلامي
موجبجه اناطولى حصارنده قاتق بك ذمتده
الاجنى اولان مبالغ محكومك تسويه سى ضمانده
مديون موسى اليهك متصرف اولوب اولجه تحت
حجزه النان بکقوزده واقع معلوم المقدار والحدود
التمش طقوز نومرولى قهوه دكانده اولان حصه
شايه سى بالمزايده اوتوز اوچ ليرا بدل ايله دابن
مرقوم عهده سنده تقرر ايتمش اولديغندن تاريخ
اعلاندن اعتباراً يكرمى بركون ظرفنده معامله
فراغيه سى اجرا قلنه جنى قضاء مذکور اجرا
دائرة سندن اعلان اولنور .

في ۳۱ اغستوس سنه ۳۰۹

تجاردين توحارى ولد يوركينك در سعادت
برنجى حقوق دائرة سندن صادر اولان في ۲۵
اغستوس سنه ۳۰۹ تاريخلى حجز قرارى
موجبجه بك اوغلنده انا حمانده قول اوغلى
حسين انا محله سنده متمكن ايكن وفات ايدن
تبعه دوات عليه دن متوفى يازيجى هاجى يوركى
ورثه سى ذمتده الاجنى بولسان مبالغ معلومه نك
تأمين استيفاسى ضمانده متوفى مرقومك ورثه سندن
اولوب اقامتكاى مجهول بولسان زوجه سى ماريه
قادييه تبليغات اجرا اولسه مامش اولديغندن
برنسخه سى دائرة اجرا ديوانخانه سته تعليق ايدليكي
ومر بوره نك اون بركون ظرفنده اثبات وجود
ايتديكي صورتده مذکور حجز نامه يه تبليغ ايدلمش
نظريه باقيله جنى در سعادت اعلامات نظاميه اجرا
دائرة سندن اعلان اولنور .

في ۳۱ اغستوس سنه ۳۰۹